



• EDITORIAL • RÂL VÊNGTU • CHHÛNGKAW CHANCHIN

» Presbytery thar pahni hawng

» Pastor dahngheh thar te

» Synod Choir member thar Pathian hnênah hlân

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXIII

No. 6

E-mail: synodnews@gmail.com

JUNE, 2018

LÂWRKHAWM

MUSIC EXAM RESULT

June 2, 2018 khân Synod Music School hnuai Music Elementary Course Exam buatsaih a ni a, zirlai 23 exam-in Honours-ah 9, First Division-ah 5, Second Division-ah 5, Passed Division-ah 2 leh Supplement-ah 2 an awm a ni.

SYNOD CHHAWMDÂWLNA

April thla chhûnga Synod Relief Fund aṭanga chhawmdâwlina sem dân hetiang hi a ni:

Damlo	Rs.	1,14,000/-
Kângmei tuar	Rs.	10,000/-
Thlipui tuar	Rs.	8,000/-
Leimin tuar	Rs.	10,000/-
Accident	Rs.	8,000/-
Râlina	Rs.	10,000/-
TOTAL	Rs.	1,60,000/-

Tun hnaiah harsatna hrang hrang nei - damlo chhûngkaw pali hnênah Rs. 32,000/-; tawhsual tâwk nupa hnênah Rs. 8,000/-; thlipui tuar chhûngkaw pakhat hnênah Rs. 10,000/-; kângmei tuar chhûngkaw pakhat hnênah Rs. 10,000/-; khawsak harsa chhûngkaw pahni hnênah Rs. 16,000/- leh Chungtlâng Kohhran Biak In lungrem chim siamṭhatna tûr Rs. 1,00,000/-; Lunglei Lunglawn leimina thi mi 10 hnênah Rs. 50,000/- leh hliam mi pali hnênah Rs. 12,000/-, Siaha Night Bus Accident-a thi mi 10 hnênah Rs. 50,000/- leh hliam tuar mi 15 hnênah Rs. 45,000/- pêk an ni a, Synod Relief Fund aṭangin chhawmdâwlina te hi pêk an ni.

HSLC RESULT ṬHA LAWMNA 2018

May 23, 2018 khân Synod Conference Centre-ah Presbyterian English School hnuai HSLC result ṭha lawmna neih a ni.

Zirlai tiṭha, Distinction-a pass-te hnênah Rs. 10,000/- (Sîngkhat) leh Citation hlan an ni a, PES zirlai zînga HSLC result-a Top 3 te tân Special Award pêk an ni. Mizoram pumpuia HSLC Result-a Top 10-a tel Khawzâwl Vêngthar PES zirlai J.K Malsâwmzêli chu Rs. 5,000/- (Sângnga) pêk a ni baw. Heng bakah hian School tiṭha pathumte hnênah lâwmmân pêk an ni a. Consolation Prize School pasarih hnênah Rs. 7,000/- (Sângsarih) ṭheuh pêk an ni baw.

SYNOD EXECUTIVE COMMITTEE VAWI 273-NA THURÊL ṬHENKHAT

* *Inthlan Thuchah chhuah leh tûra tih a ni*

* *Special SEC September 6, 2018-ah ṭhut tûr*

Ruahman lâwk angin Synod Executive Committee (SEC) chu JM Lloyd Hall, Synod Office-ah June 5-7, 2018 chhûng khân an ṭhu a, member 150-ah 138 an kal thei. Thurêl zînga a tam ber chu Synod Inkhâwmpui thurêl leh SEC/OM thurêl tawh bawh zui la ngaite bawh zuina a ni ber a, chhûng zînga eng emaw zât chu ennawn leh deuh ṭûla hriat a nih avângin ruahmanna siam tûra ruatten an ruahman fel hnu a la thlir nawn leh tûr a ni. Kumin kum tâwp lama MLA General Election lo awm tûrah Inthlan Thuchah chhuah leh tûra tih a ni a. OM bawh zui tûra dah a ni. Synod hnuai thawktute hlawh siam ṭhatna tûra Pay Commission dinten rawtna an neihte thlir a ni a, a chipchiar la thlir leh tûr a nih avângin Special SEC ṭhut ṭûla hriat a ni a, September 6, 2018-ah ṭhut tûra tih a ni.

Thurêl langsâr zual deuh te chu hetiang hi a ni:

1. Synod hnuai thawktute Kaihhruaina Dân (Synod Service Rules) 2018 chu hman ngâl tûra pawm a ni a, hei hi a hmaa lo awm tawh ennawn ni mah se damdawia inenkawlina leh dân thar chi hrang hrangin a ken tel thil thar ṭhahnem tak a awm.
2. Synod Mission Board hnuai rawngbâwl dân Kaihhruaina (SMB Service Manual) en ṭhatna pawh hman ngâl tûra pawm a ni baw.
3. Synod Service Board-in a rawt angin Assistant Co-ordinator ṭang lai pahni Pi Lalpianthangi Hrahseleh Upa Lalmuanpuia te chu Co-ordinator-ah hlân kai an ni a, Pi Lalpianthangi Hrahseleh hi Kohhran Hmeichhe Office-a awm zui tûra tih a ni a, Upa Lalmuanpuia chu MSSU Office-a awm tûra tih a ni.
4. Mizoram Chhim Biala Kohhran Enkawlna Dân en ṭhatna pawm a ni.
5. Synod Secretary Report kaihhruaina siam thar a ni.
6. Tripura Synod (Provisional) Inkhâwmpuia palai tih remti a ni a, OM-in a lo ruat tûra tih a ni.
7. Aizawl Theological College-a zirtirtu Contract-a rawihte hlawh en ṭhatna tûra Theological Education Board-in rawtna an thlen chu pawm a ni.
8. Hyderabad-ah Synod Guest House siam remti a ni.
9. MIMER (Falkawn) chheh vêlah ram lei remti a ni a, OM kutah dah a ni.
10. Guwahati-a Synod Transit Accomodation building sak ṭhat remti a ni.

11. SEC hmasa lamin Inkaihhruaina Dân ennawn tûra mi a ruatten ruahmanna an siam thil chi hrang hrangte uluk taka thlir a ni a, la ennawn leh zût mâm ngaia hriat hêngte hi ruahmanna siamtuten an siam ṭhat hnuah SEC-a thlir leh tûra tih a ni-

- (1) Chhiatni ṭhatni kaihhruaina
- (2) India ram khawpuia rawngbâwl dân tûr
- (3) Secular College din dân tûr
- (4) HIV/AIDS do kawnga hma lâk dân
- (5) Naupang nun kaihrui thei tûr Cartoon siam chungchâng
- (6) Presbyterian English School Manual en ṭhatna
- (7) Hospital-a Chaplain-te rawngbâwl dân tûr kaihhruaina

12. Barak Area Enkawlna Dân en ṭhat leh Synod Social Front Inkaihhruaina en ṭhat chungchângte chu Synod-a thlen tûra tih a ni.

13. India ram Kristiante tihduhdahna hluar zêl chungchâng, sakhaw dangte nêna hma lâkna leh Kristianna a ngawng dân leh invên dân tûr zir chianna chu OM-in a zût mâm hnuah in tina sem tûra a bua siam rêl a ni.



SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhûnga
Upa H. Ronghâka
Rev. R. Laldinthara

Editorial

A PUAN HMÂWR CHAUH PAWH

Tum khat chu Niagara Falls hmunah circus thiam tak Blondin-a'n hruihual a zawh lai chu mipuiin an en thup mai a. Thenkhatin a zawh kai theih an ring a, thenkhatin an ring lo va. A zawh kai ta mai a. Mi pakhat paw chung a zawh kai theih an ring ta hial a. A puak nih erawh chu tu mahin an duh lo. A tâwpah chuan tlangvâl pakhat hi puak kai tûrin a rawn inpe ta hlah mai a. Blondin-a chuan tlangvâl pakhat paw chung chuan a zawh kai leh ta mai a. Mi tam takin mi paw chung a hruihual a zawh kai theih an ring a, pakhat chauhvîn a ring tak tak a, puak kai tûrin a rawn inpe a ni.

Pathian rinna kawngah pawh hian ringtute dinhmun tak hi a inchen lo hle âwm asin! Rinna lama kan ram theuh pawh hi a inzâu hleih viau mai thei. "I rah chin apiang chu i ram a ni zêl ang," titu Pathian pawh hian ringtu theuh theuh dinhmun inchen vek lohzia chu a hre chiang ngawt ang le! Sipai za hotu in kha Isua luhna tlâk loh khawpa chhia chu a nih a rinawm loh. A bâwih (fapa ti pawhin a lehlin theih) tidam tûra Isua a rawn koh khân, Isuan, "Ka lo kal ang a, ka tidam ang," a ti a. Sipai za hotu chuan, "Lalpa thu chauh sawi la, ka naupang a dam mai ang," a ti hmiah mai a. Isuan a tidam ta mai rêng a nih kha. Isuan, "...Israel-te zingah pawh heti êma rinna nasa hi ka hmu lo," tiin hahîpin a sawi zui ngâl a nih kha.

Kum 12 chhûng lai mai hmeichhe thi pût pawh kha khawvêl lamah chuan a beidawng hle ta ve ang. Mahse, tidamtu Isua thiltihtheihzia a hre chiang a, a ring ngam baw a. "A puan hmâwr chauh pawh dek ila, ka dam mai ang," tih pawh sawi chhuak ngam lo khawpa inthlahrung, a rilrua ngaihtuah ngam chauh kha Isuan a kal pêt mai thei hauh lo. A puan hmâwr chauh pawh thlahlel khawpa Isua thlahleltu chuan rinna thiltihtheihzia a takin a hmu ta. Chu Isua chu wawin thleng hian a la pângngai reng a ni.

ZONUAM PASTOR KOHHRAN HMEICHHE BUATSAIH LITERATURE SEMINAR

Dt.19, May 2018 Inrinni nilêng khân Zonuam Pastor Hmeichhiate buatsaihin Literature Seminar neih a ni a. Resource Person atâna an rawn sâwm angin Synod Literature & Publication Board atângin Resource Person tûr mi pahni ruat an ni a. Chawhma inkhâwm hi Pi Lalthanzâmi, Bial Chairman-in a kaihrui a. Bial Secretary Pi Rohlunpuii, Bial Secretary-in thu inhriattîr tûrte a hriattîr zawhah Seminar-a kal zât a chhiar ngâl a, mi 94-in Seminar hi an hmang. Chawhma hunah hian Upa Lalrammawia Ngêntê BEC Member-in hun a hmang a, sawiho tûr a siamte chu group-ah inthenin sawi ho ngâl a ni. Chawhnu lamah Pi Vânlalchhuani, Vice Chairman-in Seminar hi a kaihrui ve thung a. Rev. Dr. C. Chawngmingliana, Editor SL & PB-in hun a hmang ve thung. Resource Person-in hun a hman zawh hian zawhna leh chhâna leh sawiho tûrte sawi a nih hnuah kham lo takin an tîn ta a ni.



SYNOD SOCIAL FRONT HRIATTÎRNA

1. SYNOD CHARITY STORE

Synod Social Front chuan Synod thu bawhzuiin chhûngkaw neinung zâwkten an thumhnaw leh bungrua la hman tlâk si, an hman tângkai tawh lêm loh te leh an thil neih remchâng apiang an thekhâwm a, mi harsa zâwkten an lo hman tângkai theih dân tûr kawng a ngaihtuah a. Chumi atân chuan Synod Charity Store, Zosaphara Building 1st Floor (MS-II/25&26) Mission Vêng-ah hawn a ni a.

Synod Charity Store-a dah tûr hian thawmhnaw hâk chi leh sin tûr chi te, bungbêl te, furniture leh lehkhâb te rawn thawh khâwm tûrin Kohhran hrang hrangte a inchohkin ngen thîn an ni. Kohhranhote rawn thawhkhâwm chu pakhat Rs. 100/- aia to lovin hralh ve thîn a ni a, bungraw hlu bîk deuh erawh chu Rs. 100/- aia tam deuh chhiar ve thîn a ni baw. Hêng bungraw rawn thawhkhâwm thenkhatte chu Ramthar Field lam te, Kohhran harsa deuh te leh chhiat tâwk te hnênah te a thlawnin pêk thîn a ni baw.

Charity Store hi nitin, Synod office chawlh nî tih loh chu dâr 9:00AM – 5:00PM hawn thîn a ni a, Inrinni-ah dâr 9:00AM – 12:00AM thleng hawn a ni baw a, a mamawh apiang tân dâwr theih reng a ni e.

2. OLD AGE DAY CARE CENTRE (Kum Upa te inkawmhlîmna)

Synod Social Front chuan Old Age Day Care Centre (Kum Upate Inkawmhlîmna hmun) Synod Conference Centre, Ground Floor-ah kum lama upa tawh, thian kawm duh te kalkhâwm a, an inkawmhlîm theihna tûr a buatsaih a. Kalkhâwmte tân inhamna tûrte leh lehkhâ chhiar tûr te chhawpsak an ni a, an ei leh in tûrte ngaihtuhsak thîn an ni baw a. A remchân dân angin Pathian thu lama inkawmna te pawh neih thîn a ni.

Chawhma lam dâr 10:30AM ah hunserh hmanpui thîn an ni a, tlai lam dâr 3:00PM thleng hawn thîn a ni.

Old Age Day Care Centre-ah hian mi eng emaw zât an kalkhâwm an inkawm hlim thîn a, mi thenkhat kal harsat deuh te chu an chhûngten an rawn hrui baw thîn. Heta kal âwm mi kan hriat te chu kawhmuh thîn tûrin kan inngên baw e.

Sd/- Rev. B. Sângthanga
Executive Secretary
Synod Social Front : Synod Office

Râl Vêngtu

Râl Vêngtu inah chuan thenawm nuho an lo lêng a. Nuho chuan, “Râl Vêngtu, TV-a film te hi i en ve ngai em?” tiin an zâwt a. Râl Vêngtu chuan, “En ve ngai tho ve,” a ti a. Râl Vêngtuin TV a en ve thîn tih nuhovin an hriat chuan inthlahrung lêm lo tak chuan an film en hmuhdawmzia te, a changtupa leh changtunu hmêl thatzia leh zeî em em dân te an sawi bawrh bawrh a. Râl Vêngtu chuan, “In film en chu a hmuhdawm hmêl hle mai tak a! Eng nge thil tha puak chhuah tûr te in nei em, han sawi zel ula,” a ti a. Nuho chuan, “Chutianga zir chhuah tûr tih lam kan lo ngaihtuah vak hlei nê. A changtute an chang thiam, an hmêltha, an zeî, a hmuhdawm a ni tawp mai a ni,” an ti a.

Râl Vêngtu chuan, “Kei chuan hetiang zawng hian ka lo thlîr thîn asin. A changtupa leh a changtunu te dinhmun hi ringtute dinhmun nêen hian ka lo tehkhin thîn a. A changtute hi chu a tîr lamah te, a hun laihawl vêlah te hi chuan an chan a chhe thei khawp a. A châng leh a changtu lo zâwk hian an sawp hrep a. A changtute an thi tawh ngei dâwn a nih hi tih tûr khawpa dinhmun hniam leh zahthlaka an dîn châng a tam hle thîn. Mahse, a changtu na na na chu a tâwpah chuan a dîng chhuakin a chak leh nge nge zêlin ka hria. Chutianga chiah chuan ringtute hi he khawvêlah hi chuan chan chhe zâwk anga kan awm châng a tam em em a. Ka Pathian biak hi ka be fuh ta lo mai em ni aw, tih vawng vawng tûr khawp dinhmun hniam leh hrehawma kan dîn châng a tam khawp mai. Mahse, a changtu kan nih tlat avângin a tâwp lamah kan chan a la tha dâwn, hnehtu kan la ni ngei dâwn tih hre rengin tuar ngai kan tuar fat fat a, rinawm tak leh lungawi takin Lalpa hnung kan zui tlat a ni,” ti zâwngin film hi ka lo thlîr ve thîn a ti ta daih a.

Nuho chuan, “Râl Vêngtu film en dân chu a thlarau raih mai a. Hetiang lam zâwng hian thlîr ve ngei tawh tûr a nih chu,” an ti a.

PRESBYTERY THAR PAHNIH HAWN A NI

Nikum 2017 Synod Inkhâwmpuiin Presbytery thar hawn tûra a tih, Khawthlangtuipui Presbytery leh Patkai (Arunachal) Presbytery-te chu May 26, 2018 khân hawn a ni. Khawthlangtuipui Presbytery hi Lungsan Kohhran Biak Inah Rev. Lalramliana Pachau, Sr. Executive Secretary-in a hawng a, Patkai Presbytery hi Synod Moderator Rev. F. Lalrinnungan a hawng. Heti hian Mizoram Synod hnuaiah Presbytery 51 a awm ta a ni.

SYNOD HOSPITAL, DURLÂNG MAY, 2018 CHHUNGA THILPÊK DAWNTE

I. CHARITY FUND

1. R. Lalnunthari, Chhinga Vêng	Rs 4,000/-
2. Ramthar Vêng Bial Koh. Hmeichhia, Aizawl	Rs 20,000/-
3. Kawrthah Kohhran	Rs 6,000/-
4. Ladies Auxiliary Dept., Durtlang Bial, UPC(NEI)	Rs 5,000/-
5. Lungdai Kohhran	Rs 1,000/-
6. Zodinliana, Mission Vêng	Rs 1,300/-
7. Zohlui, Zârkawt	Rs 3,500/-
8. Sheela, Kanân Vêng, Aizawl	Rs 1,000/-
9. KTP, Rabung Bial	Rs 1,700/-
10. Saitual Bial Kohhran Hmeichhia	Rs 5,000/-
11. East Phailêng Bial Kohhran Hmeichhia	Rs 12,425/-
12. Champhai Vêngsâng Kohhran	Rs 1,000/-
13. KTP, Zâwnuam Bial	Rs 5,000/-
14. KTP, East Phailêng Bial	Rs 1,800/-
15. Pu H. Lalremsâng & family, Vênglui	Rs 3,500/-
16. Pu Lalsânglûra, Durtlang Mêl - 5	Rs 1,000/-
17. Sialsûk Bial Kohhran Hmeichhia	Rs 5,000/-
18. Lalchhuansâng a te unau, Vênglui	Rs 1,000/-
19. KTP, Nisapui Bial	Rs 3,000/-
20. Khawhai South Kohhran Pavalai Pâwl	Rs 3,000/-
21. Pu Lalramena Râltê, Durtlang	Rs. 1,000/-

II. THISEN PETE

1. ATI, Durtlang	33 Units
2. KTP, Chhinga Vêng East Branch	38 Units
3. KTP, Ramthar Branch, Durtlang Leitan	15 Units
4. KTP, Rangvamual Branch	15 Units
5. YMA, Vênglui Branch	51 Units
6. Boston Higher Secondary School, Aizawl	51 Units
7. KTP, Jubilee Branch, Aizawl	31 Units

III. GRACE HOME TÂN

1. Lalrinliani, Armed Vêng South	Electric Ketti
2. New Sêrchhîp Bial	Khum siam nan Rs. 20,000/-

3. KTP, Chawngtlai Bial	Rs. 2,000/-
4. Sialsûk Bial Kohhran Hmeichhia	Rs. 5,000/-
5. Bûngkawn Bial Kohhran Hmeichhia, Aizawl	Khum panga

IV. THIL DANG PETE

1. Pi Lalthansiami, Project Vêng, Kolasib	Chapel-a dah tûr Zanadu kûng 12
2. KTP, Chawnpui Vêng Branch, Aizawl	Blood Bank tân Weighing Scale
3. Pu Lalchhangliana, Ramhlun 'N'	Pi Puii In tân Plastic thutthlêng 33
4. Tuipâng Bial Kohhran Hmeichhia	Hmunphiah 90
5. Laki Bial Kohhran Hmeichhia	Hmunphiah 55
6. Pi Malsâwmkimi, Kâwnpui	NCB Duty Station
- Pu Lalthuaama hriatreng nân	dah tûr Filter
7. Zamuang Bial Kohhran Hmeichhia	Hmunphiah 100
8. KTP, Khawhlailung Bial	Hmunphiah 100
9. KTP, Hliappui Bial	IV Stand 5
10. Vânlalpêkhui	Naupang Ward-a hman tûr Flask
D/o Z Ngûrthanmawia Sailo, Durtlang Mêl 5	

V. PAWISA DAWN ZAWNG ZAWNG -

1) Rs 86,225/-
2) Rs 27,000/-
Total Rs 1,13,225/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak baw a ni.

PASTOR DAH NGHEH

Nikum 2017 Synod Inkhâwmpuiin Pastor, zirna sâng zâwk zir zo, Bial vawng tûra a dahte chu OM ruahman angin an awmna tûr Bial thuthmunah May 13, 2018 khan dah ngheh an ni. Hetiang hian-

SL. Minister hming	Awmna Bial	Induction neihpuitu
1. Rev. Vanlalsawma	Sialhawk	Rev. F. Lalrinnunga, Moderator
2. Rev. H. Lalbiakhluna	Khuangleng	Rev. H. Remthanga, Fin. Officer
3. Rev. Rammawipua Pachau	Mamit	Rev. Lalramliana Pachau, Sr. Executive Secretary
4. Rev. K. Vanlalhriata	N. Vanlaiphai	Rev. P.C. Pachhunga, Fin. Officer
5. Rev. T. Lalhmachhuana	Damdawi Vêng	Rev. R.C. Lalnghâklia, A/S, Chhim Area
6. Rev. Alfred Lalruatfela	Sakawrdai	Rev. Prof. C. Lalhlira, Principal, ATC
7. Rev. V.L. Luaia Hranleh	Sihphir Vengthar	Rev. R. Lalnunluanga, Statistician

LITERATURE SEMINAR - KEIṬUMAH

Keiṭum Bial K.T.P chuan SL&PB Office sâwmin May 26, 2018 (Inrinni) nilêng khân Keiṭum Dinthar Kohhran Hall-ah Literature Seminar an buatsaih a, Upa H. Ronghâka, Addl. Editor, SL&PB leh Rev. P.B. Mankima, SL&PB Member-ten an hmanpui. He Seminar hi a kalten a tuipui hle a, an hlâwkpu ngei pawh an beisei. SL&PB lam aṭanga kalte pawhin ṭ halaiten Literature lam an ngaihven thar chu lâwmawm an ti a, ‘Kohhran ṭawngkam hman leh hla thu lam dân’ tih pheih chu ṭhalaite zînga sawi leh zir ho chi tak niin an hria. Seminar bâkah Resource person-te hian Keiṭum Bial chhûng kohhran tinah thu an sawi a, Bialtu Pastor leh Keiṭum Bial Zaiṭawl te nêen an kal ho zêl a, hlim takin hun an hman.

CKTP HRUAITUTEN**DR. C. SAWMLIANA HOVIN YRC
HMUN ENHO**

May 30 (Nilaini) zîng kâr khân Youth Recreation Centre hmun laih mêk chu Dr. C. Lalsâwmliana, Principal Scientist, Rock Excavator Engineer leh Dr. Laldinpuia, Geologist, Pachhûnga University College hovin CKTP hrulaituten an enho.

YRC hmun laih mêk hi a lung a chan deuh tawh avângin excavator pangngaiin a laih theih tawh loh va, lung hâlâna hman a ngai tawh dân a a lan avâng leh a bul vêlah chênna in eng emaw zât a awm avângin lung hâlâna hi hman chi a nih leh nih loh te, lung hi hâl darh ni ta se nghawng a neih theih dân tûr leh a hlauhawm tûr leh tûr lohte enho a ni.

YRC hmun tlawhnaah hian CKTP aţangin YRC Sub Committee member te bâkah General Secretary, T. Upa Rochungnunga te an kal. Dr. Laldinpuia, Geologist hian a lung chan dân leh lung hâlâna hman ni ta se leilung a nghawng dân tûr te a zirchiang ngêl a. Dr. C. Lalsâwmliana hian *data* te lakhâwmin a thawhna, Dhanbad, Jharkhand-ah a keng thla ang a, chuta ţang chuan ruahmanna a siam leh dân a ni.

**SYNOD HIGHER SECONDARY
SCHOOL-IN ZIRLAI
TI THA CHAWIMAWI**

May 22, 2018 khân Synod Higher Secondary School leh Synod Higher Secondary School Alumni Association-te buatsaihin kumin a HSLC leh HSSLC-a ti tha te chawimawina hun an hmang.

Tûn tum exam-ah hian Synod Higher Secondary School aţanga HSLC exam 96.88% in an pass a, HSSLC (Arts) exam 94.37% in pass-in, HSSLC (Science) exam 92.45% in an pass a ni. Zirlai ti tha te hi pawisa fai leh thuziak hlan an ni.

**SYNOD THURÊL LÂK KHÂWM
VOLUME V (2001 – 2010)**

Synod Thurêl Lâk Khâwm Volume V a chhuak thar a, hetah hian kum 2001–2010 chhûnga Synod leh SEC thurêlte a chuang. Phêk 1263-a chhah niin a man pangngai ₹ 700 a ni a, SEC 273-na chuan ₹ 300 Synod-in tumin mipuiin ₹ 400-a lei theih tûrin a rêl. Synod Bookroom Branch tinah lei theih a ni ang.

NEICC SESSION VAWI 78-NA

North East India Christian Council (NEICC) Session vawi 78-na chu May 17–20, 2018 chhûng khân New Nongstoin Kohhran (KJP Synod Sepngi)-ah hman a ni a. NEICC member kohhranten palai tîrh theih dân tûr bithliah a ni a, tûn tumah hian Mizoram Synod aţangin mi 23 an kal. Palai kal zawng zawng 245 an ni.

India Hmârçhak harsatna su kiang tûrin North East India-a Member of Parliament (MP)-te sâwma inrâwn khâwmna (Consultation) buatsaih rêl a ni a. NEICC Dân en that rawtna pawm a ni a, Union Christian College (UCC) Inkaihhraina Dân en thatna, NEICC Executive Committee-

President : Rev. Dr. Kethozel Hou Keyho, Nagaland Baptist Church Council
Vice Presidents : Rev. Dr. Laiufachhai, Evangelical Church of Maraland
Rev. H.L. Marsing, PCI, Ribhoi Synod
Secretary : Rev. Dr. Ramêngliana, PCI, Manipur Synod
Treasurer : Rev. Dr. Brightstar J. Syiemlieh, PCI, KJP Synod Sepngi

NEICC-ah hian member (kohhran) leh Associate member (para-church) 50 zet an awm a. Kum 2010 NEICC Session chu Nagaland Baptist Church Council (NBCC) thlen tûra tih a ni.

SYNOD CHOIR MEMBER THARTE PATHIAN HNÊNA HLÂN

June 8 (Zirtâwp) zân khân Synod Choir 2018-2020 member tharte chu Synod Moderator Rev. F. Lalrinnungan Pathian hnênah a hlân.

Synod Choir member thar hlanna hun hi Synod Conference Centre-ah hman a ni a, Upa Rosangliana, CKTP Asst. Leader-in a kaihrui a. T. Upa Rochungnunga, CKTP General Secretary chuan inhmêlhriattîrna hun hmangin, Dr. David C. Vânlalfakawma, Synod Choir Director-

in thu a sawi. Synod Moderator, Rev. F. Lalrinnungan Pathian hnêna a hlan hnuin CKTP Leader Rev. K. Lallâwmzualan thuchah a sawi zui a ni.

Synod Choir-ah hian, Conductor telin member 25 an awm a, part tinah member paruk zêl an awm a, Conductor thar hi Pu T. Laldintluanga, Ramhlun North Bial a ni. Kum 2016-2018-a Synod Choir-a lo awm tawh zîngah mi 10 chu term tharah hian an awm zui leh dân a ni.

FAMILY GUIDANCE & COUNSELLING CENTRE AWARENESS CAMPAIGN

FG&CC chuan June 9-10 hian Lunglei khawchhûnga Kohhran hrang hrangah Counselling Centre Awareness Campaign neih pahin, Kristian Chhûngkaw Seminar leh Campaign hun an hmang.

June 9 (Inrinni) nilêngin Lunglei Vênglai Kohhranah Kristian Chhûngkaw Seminar an nei a, hetah hian Lunglei khawchhûnga Kohhran aiawhte koh an ni a, Resource Person te chu Rev. PC Pachhûnga, Exe. Secy. i/c FG&CC leh Rev. Lalsangbera, Director, FG&CC an ni. Inrinni zân aţanga Pathianni zân thlengin Lunglei khawpui chhûng Kohhran 19 ah Campaign an nei zui bawk a, Aizâwl aţangin FG&CC Committee member leh Campaigner dang hêng mite hi an kal - Rev. PC Pachhûnga, Exe. Secy. i/c FG&CC; Rev. Lalsangbera, Director, FG&CC; Rev. Dr. H. Vânlalruata, ATC; Rev. Vânlalmuanpuia Khiangte, Bâwnghâwn Bethel; Rev. Vânloluaha, Hunthar; Rev. K. Lalrammawia, Falkâwn; Upa H. Zoliana, Durtlâng North; Upa H. Lalhlithanga, Dinthar; Pi B. Bualchhûmi, Bethlehem; Rev. Malsâwmzoliana, ATC; Rev. R. Lalêngzauva, Kulikâwn; Rev. H. Lalmuanchhana, Zuangtui leh Upa H. Lalchhandama, O/A, FG&CC.